

Ip zun Heists (Flutse)

Voa sommige mensschen klient **HEIST** lik muziek in doren en vor anderen ist lik u vloek.

Je moet ur u ki ip letten oevele keren da ze vergeten dad **Heist** nog bestoat.

Heist Carnaval is in de gazette Carnaval Knokke-Heist surtoe ot goed is mor ot er u twa verkeerd lopt ton ist Heist.

Klezen in de gazette da Kneistival in Knokke deure gienk en ot die dolfiene ant zwemmen was tusschen Heist en Duunbergen stoend er in de gazette: Dolfijn voor Knokse strand..

Mor ot er ingebroken wordt in Knokke ton stoat er zeker Knokke-Heist of Heist. 't Zelfste voa drugs en andere roare diengen.

U poar Heistenoars en dur voren gezorgd dad ur u concert kwam voa Jimmy Frey en wadde enk gelezen in 't Latste Nieuws: Knokke huldigt Jimmy Frey.'t Is toch wel vor overende te vallen zeker? En de Zeewiedienge... da was in Knokke-Heist moa nie in **Heist**.

Nog nie lange geleen wast er zelfs u politieker die zeidt da Knokke beter in de moend ligt dan **Heist** of Knokke-Heist. Dun dien is zeker vergeten hoe da burgemeester de Gheldere gevochten eet voa de noame **HEIST** te bewoaren?

Ken niet tegen de fusie moa iedereen moet toch weten dat un Heistenaore ook u mens is en dat er in **Heist** ook vele goe diengen bestoan.

D' Heistenoars moeten ip ulder strepen stoan en de politiekers ambeteren anders gebeurt er bie ons niet nie mè.

Kiekt mor u ki nor 't stadhuis van **Heist**. Un echte schande.

De boel stoat doar a moanden vor in te stukken.

Da zoed in Knokke gin woa zien, zie moa gerust!

